

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće**

**Broj:** 01/1-27-Z/23  
**Kakanj,** 30.03.2023. godine

**Z A P I S N I K**  
**sa 27. redovne sjednice Općinskog vijeća održane 30.03.2023. godine (četvrtak)**  
**u sali Općinskog vijeća sa početkom u 9:00 sati**  
**(sažetak zapisnika)**

Predsjedavajući Općinskog vijeća Slaven Katičić je pozdravio prisutne i otvorio 27. redovnu sjednicu Općinskog vijeća.

Predsjedavajući je zamolio da se utvrdi kvorum na današnjoj sjednici.

Vijećnici i vijećnice prisutni na sjednici:

Izudin Puščul, Omer Musić, Nerma Aliefendić, Safet Šahman, Mejrema Purišević, Mediha Mamela, Elvir Delibašić, Namir Talić, Adis Mrkonjić, Amar Selimović, Džemal Bećirhodžić i Izudin Hrusto (**SDA**)

Vinka Aletović, Ahmed Begić (**naknadno pristupio**), Miroslav Spasojević i Edin Šljivo (**SDP BiH**)

Mirsad Tursum (**naknadno pristupio**), Zerina Kovač, Fakir Ajdinović i Sabit Čehajić (**S BiH**)

Dževdet Huskić, Marcela Ravlija i Branko Češljčić (**NS**)

Mugdin Gorak i Enver Merdić (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić (**nacionalna manjina**)-(naknadno pristupio)

**Odsutni vijećnici:** Aldin Šljivo (**SDA**)

Predsjedavajući je konstatovao da je na sjednici u momentu utvrđivanja kvoruma prisutno 26 vijećnika i vijećnica, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

**Mirnes Bajtarević**, općinski načelnik

**Ferdo Mijač**, sekretar Općinskog vijeća

**Džihad Berbić**, pomoćnik općinskog načelnika za finansije

**Mirza Fazlić**, pomoćnik općinskog načelnika za privredu, urbanizam i zaštitu okoline

**Bahrudin Arnaut**, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

**Edin Aliefendić**, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

**Nurudin Hrusto**, pomoćnik općinskog načelnika za civilnu zaštitu

**Mukades Delibašić**, pomoćnik općinskog načelnika za imovinskopravne, geodetske poslove i katastar nekretnina

**Zijad Neimarlija**, direktor Zavoda za planiranje i izgradnju općine Kakanj

**Mahir Sikira**, savjetnik općinskog načelnika

## **Izviestioci, obrađivači, gosti**

Muamer Čelebić, direktor JP „Grijanje“ d.o.o. Kakanj  
Mirza Mušija, direktor JU KSC Kakanj

## **Predstavnici medija**

**NTV IC Kakanj**  
**Radio Kakanj**  
**Kakanj Info**

## **Napomene o radu Kolegija Općinskog vijeća**

U pripremi 27. redovne sjednice Općinskoga vijeća, Kolegij Općinskog vijeća je 22.03.2023. godine, održao sjednicu na kojoj je razmatrao:

### **a) Vijećničku inicijativu Medihe Mamela**

Inicijativa vijećnice Medihe Mamela u vezi osnivanja javne ustanove za razvoj i promociju turizma na području općine Kakanj prosljeđuje se općinskom načelniku da istu razmotri te, ukoliko odluči da za istom ima potrebe, pripremi odgovarajuće materijale za neku od narednih sjednica Općinskog vijeća.

### **b) Vijećničku inicijativu Safeta Šahmana**

Inicijativa vijećnika Safeta Šahmana u vezi održavanja tematske sjednice Općinskog vijeća o problemima linijskih prijevoza prosljeđuje se Službi za privredu, urbanizam i zaštitu okoline da istu razmotri te, ukoliko odluči da za istom ima potrebe, pripremi odgovarajuće materijale za tematsku sjednicu Općinskog vijeća.

### **c) Informaciju Komisije za Etički kodeks povodom Poziva OSCE-a za uvođenje/revidiranje etičkih kodeksa za izabrane zvaničnike**

### **d) Očitovanje NO i UO JU KSC Kakanj na akt advokata Ševale Demir**

Kolegij Općinskog vijeća je primio k znanju.

## **Usvajanje zapisnika sa 26. redovne sjednice Općinskog vijeća**

Nije bilo primjedbi na zapisnik i isti je usvojen jednoglasno sa 26 glasova ZA.

## **Komentari na dostavljene odgovore na vijećnička pitanja**

Komentare na dostavljene odgovore na vijećnička pitanja su dali Armin Bašić i Marcela Ravlija.

**Armin Bašić:** je rekao da je dobio odgovor na vijećničko pitanje u vezi roka koji je ostavljen kupcu zemljišta za izgradnju gradske pijace iz kojeg je evidentno da je kupac tek nakon postavljenog vijećničkog pitanja tražio produženje roka. Dodao je da bi standardi trebali biti za sve isti i da je ili trebalo ići sa tužbom i prisiliti kupca na gradnju, ili vratiti zemljište u vlasništvo općine. Na kraju je upitao da li je moguće, obzirom na očitu fleksibilnost ugovora, da kupac ovo zemljište prepreda i tako zaradi jer su vrijednosti nekretnina mnogo veće od prije pet godina.

**Marcela Ravlija:** je rekla da je dobila odgovor na vijećničko pitanje od JP „Grijanje“ d.o.o. Kakanj u vezi postojanja plana smanjenja troškova te u vezi istog zaključila da sadržajno nema relevantne činjenice vezane za pitanje koje je bilo jasno postavljeno. Također, izrazila je žaljenje što se nigdje u planovima ovog preduzeća ne spominju evropski fondovi, integracija obnovljivih izvora energije ili korištenje EBRD studija za Zapadni Balkan. Međutim, rekla je da u odgovoru ima podatak da JP „Grijanje“ ima najveću distributivnu mrežu na području F BiH, tj da imaju veću dužinu cjevovoda nego što imaju Toplane Sarajevo i Centralno grijanje Tuzla zajedno. Obzirom da je zvaničan podatak da Tuzla ima 196,8 km a Sarajevo 82,8km, a Kakanj 67,7km toplovodne i vrelovodne mreže, dodala je da je svaki komentar suvišan. Ukazala je na to da je kao općinska vijećnica sa govornice Općinskog vijeća postavila pitanje i od JP se očekuje da u skladu s tim na pitanje i odgovori.

## Komentari na dostavljena mišljenja na vijećničke inicijative

Komentar je dala Marcela Ravlija.

**Marcela Ravlija:** se osvrnula na svoju inicijativu da se zanimanja bachelor logopedije i audiologije i bachelor specijalne edukacije i rehabilitacije stave na listu deficitarnih zanimanja VSS koja stipendira Općina Kakanj te rekla da iz mišljenja nije jasno hoće li se uvrstiti na listu. Naglasila je značaj i potrebu za istim te izrazila nadu da će se uvrstiti od naredne akademske godine.

### Vijećnička pitanja

**Dževdet Huskić:** je postavio dva vijećnička pitanja. Prvo je da li postoji plan i dinamika popravke javne rasvjete i zamjene rasvjetnih tijela na prostoru naše općine i ako postoji, može li biti javno dostupan, a drugo pitanje je ko i kada će sanirati posljedice radova koje je izvodilo JP „Vodokom“ Kakanj u naselju Termoelektrana.

**Marcela Ravlija:** je postavila vijećničko pitanje o tome kada Općina Kakanj planira početi sa pregovorima za prijevoz učenika srednjih škola za narednu školsku godinu.

**Namir Talić:** je postavio vijećničko pitanje o tome kada će konačno i trajno Kantonalna bolnica Zenica odrediti jednog doktora koji bi vodio stalnu brigu o pacijentima Hemodijaliznog centra u Kaknju i radu istog.

Predsjedavajući je konstatovao da su vijećnici: Branko Češljic, Armin Bašić, Adis Mrkonjić i Sabit Čehajić postavili vijećničko pitanje bez korištenja govornice.

**Branko Češljic:** je postavio dva vijećnička pitanja. Prvo je ima li Termoelektrana Kakanj adekvatna postrojenja kao što su filteri za odsumporavanje, a drugo provjerava li se i koliko često kvalitet vode u gornjem dijelu toka rijeke Trstionice i njenih pritoka s obzirom da je to područje pod uticajem novih rudnika s područja općine Vareš.

**Armin Bašić:** je postavio vijećničko pitanje zašto se akt kupca pijace, upućen prodavcu (Općini), a koji se odnosi na produženja roka za izgradnju i primopredaju gradske tržnice, ne dostavi Općinskom vijeću na razmatranje i zašto se zemljište ne vrati u posjed Općini ili da ide na novu javnu prodaju obzirom da ugovor nije ispoštovan u roku od pet godina.

**Adis Mrkonjić:** je postavio dva vijećnička pitanja. Prvo je kada će se izvršiti ponovno postavljanje usporivača brzine na dionici Ivnica – Tršće, a drugo kada će se izvršiti sanacija udarnih oštećenja puta (rupa) na dionici od skretanja za MZ Zagrađe do džamije u Tršću.

**Sabit Čehajić:** je postavio dva vijećnička pitanja. Prvo je koje su ugovorene obaveze Općine kao naručioca radova i izvođača radova na izgradnji nove trase puta na dionici Donji Kakanj – kamenolom „Trgošped“, te koji je rok za završetak radova i kada je planirano puštanje saobraćajnice u upotrebu, a drugo šta se dovozi na gradsku deponiju iz susjednih općina i postoji li ugovor ili je po srijedi samovolja i/ili nezakonite radnje u JP „Vodokom“ Kakanj.

### Vijećničke inicijative

**Dževdet Huskić:** je pokrenuo dvije vijećničke inicijative. Prva inicijativa je za postavljanje trajnih usporivača brzine (ležećih policajaca) i definisanje zone sa ograničenjem brzine od 30 km/h u Ulici šehida, od pijace do skretanja prema Plandištu iznad STŠ „Kemal Kapetanović“ Kakanj. Cilj inicijative je povećanje bezbjednosti saobraćaja i eliminisanje eventualnih saobraćajnih nesreća. Predlažem da se postave tri trajna usporivača i to na lokacijama: kod požarnog puta prema JU „KSC“ Kakanj, između ulaza u Gimanziju „Muhsin Rizvić“ i ulaza na parking MSŠ Kakanj i ispred ugostiteljskog objekta fast food City Druga inicijativa je da se zabrani gradnja proizvodnih pogona u neposrednoj blizini stambenih objekata.

**Marcela Ravlija:** je pokrenula dvije vijećničke inicijative. Prva je da se očisti korito rijeke Trstionice u Čatićima, a druga da se sanira ograda na mostu u Čatićima.

Predsjedavajući je konstatovao da su vijećnici: Enver Merdić, Safet Šahman, Adnan Čobo, Edin Šljivo i Amar Selimović podnijeli vijećničke inicijative bez korištenja govornice.

**Enver Merdić:** je pokrenuo vijećničku inicijativu za dostavu planirane i povučene količine toplotne energije JP „Grijanje“ Kakanj a koja je definisana ugovorom sa JP Elektroprivreda BiH. za period 01.10.2022. – 31.03.2023. godine.

**Safet Šahman:** je pokrenuo vijećničku inicijativu za izradu projektne dokumentacije izgradnje mosta u mjestu Kondžilo.

**Edin Šljivo:** je pokrenuo vijećničku inicijativu da se riješi problem nakupljanja oborinskih voda u naselju Plandište (kod kuće Mensura Čehajića).

**Adnan Čobo:** je pokrenuo dvije vijećničke inicijative. Prva inicijativa je da se na poligonu ispred OŠ „Mula Mustafa Bašeskija“ isprave koševi, odnosno dovedu u ispravan položaj, te da se na iste postave mrežice. Druga inicijativa je da se u neki od programa utroška sredstava za 2024. godinu uvrsti projekat izgradnje zaštitne ograde cijelom dužinom Ulice branilaca.

**Amar Selimović:** je pokrenuo dvije vijećničke inicijative. Prva inicijativa je da se izvrši sanacija udubljenja na regionalnoj cesti R-445 i to na dijelu puta od naselja Tičići do naselja Bilješevo. Druga inicijativa je da se revidira planirana sječa na lokalitetu Kruškovac, te da se odgodi ili smanji obim planirane sječe.

### **Utvrđivanje dnevnog reda**

Predsjedavajući je za 27. redovnu sjednicu predložio dnevni red koji je usaglašen na sjednici Kolegija, a kako nije bilo primjedbi na predloženi dnevni red isti je usvojen jednoglasno sa 29 glasova ZA.

### **Usvojeni dnevni red**

1. Prijedlog odluke o utvrđivanju cijena usluga grijanja JP „Grijanje“ d.o.o Kakanj
2. Prijedlog odluke o utvrđivanju javnog interesa
3. Prijedlog odluke o dodjeli Petnaestoaprilskih priznanja općine Kakanj
4. Prijedlog odluke o visini prosječne konačne građevinske cijene iz prethodne godine po m<sup>2</sup> korisne stambene površine na području općine Kakanj
5. Prijedlog odluke o osnivanju MZ Željeznička Stanica
6. Prijedlog odluke o raspisivanju i održavanju izbora za članove Savjeta MZ Željeznička Stanica
7. Prijedlog rješenja o imenovanju Komisije za provođenje izbora u MZ Željeznička Stanica
8. Izvještaj o ostvarivanju politike jedinice lokalne samouprave i aktivnostima općinskog načelnika za 2022. godinu
9. Izvještaj o radu Općinskog pravobranilaštva za 2022.godinu
10. Razmatranje Izvještaja o radu sa Finansijskim izvještajem JU KSC Kakanj za 2022.godinu
11. Davanje saglasnosti na Program rada sa Finansijskim planom JU KSC Kakanj za 2023.godinu

#### **1. Prijedlog odluke o utvrđivanju cijena usluga grijanja JP „Grijanje“ d.o.o Kakanj**

Predlagač: Skupština JP „Grijanje“ d.o.o. Kakanj

Obrađivač: Skupština JP „Grijanje“ d.o.o. Kakanj

Izvjestilac: Muamer Čelebić, direktor JP, i Mirnes Merdić, predsjednik Skupštine JP

U diskusiji su učestvovali: Mujo Fafulić, Mirsad Tursum, Dževdet Huskić i Vinka Aletović.

**Mujo Fafulić:** je tražio da se da više informacija za govornicom o tome koliko će to iznositi za domaćinstva kao i da se naglasi napor i opišu koraci koje je Općinsko vijeće učinilo da do ovakvog

ishoda ne dođe. Također, tražio je a da se govori i o novim poskupljenjima najavljenim u septembru obzirom da je JP Elektroprivreda kruta i neumoljiva u svojim stavovima te daljim koracima Općinskog vijeća.

**Muamer Čelebić:** je rekao da je prošli put na sjednici detaljno upoznao i Općinsko vijeće i javnost o načinu na koji se došlo do ovakvih prijedloga cijena a da je danas u uvodu govorio o ishodu sastanka u JP Elektroprivredi koji nije dao nikakav rezultat. Ponovio je da je poskupljenje prema JP "Grijanje" iznosi oko 20%, te da će fizička lica koja plaćaju po kvadratu imati povećanje od 15%, a fizička lica koja imaju kalorimetre 10%, mali obrtnici koji plaćaju po kvadratu 8%.

**Mujo Fafulić:** se zahvalio na odgovoru koji je dao direktor a iz kojeg je evidentno da će i JP „Grijanje“ podnijeti udio u poskupljenju a ne samo potrošači. Tražio je da vijećnici koji su učestvovali na sastanku u Sarajevu izađu za govornicu i podijele svoje utiske sa sastanka.

**Mirsad Tursum:** se osvrnuo na one kategorije, poput škola, koje nisu obuhvaćene poskupljenjem te predložio da se, obzirom da je JU Dom zdravlja od javnog interesa za sve građane, i ova ustanova izuzme iz poskupljenja, kao posebna četvrta kategorija. Također, predložio je da se smanji sezona grijanja na 6 mjeseci a da se odluka o produženju sezone donosi na osnovu klimatskih uslova za tekuću godinu.

**Muamer Čelebić:** je rekao da je do povećanja za JU Dom zdravlja došlo jer ova ustanova ima startnu tarifu povoljniju u odnosu na škole. Dodao je da se u ovom trenutku može udovoljiti prijedlogu vijećnika Tursuma u vezi posebne tarife za JU Dom zdravlja. U vezi grijne sezone rekao je da je ona i prošle godine produžena tokom majskih praznika na zahtjev korisnika, a da je ove godine počela i ranije, obzirom na vremenske prilike, tako da ne stoji konstatacija da se treba skraćivati.

**Predsjedavajući:** je podsjetio da je Općinsko vijeće donijelo odluku o produženju grijne sezone a po provedenoj anketi među korisnicima koji su se 98% izjasnili da žele produženu grijnu sezonu.

**Dževdet Huskić:** je rekao da su više puta tražili tu anketu ali je nisu nikad dobili. Dodao je da NS neće podržati ovu odluku. I pored toga što će JP Grijanje biti na gubitku, to i ne mora značiti da će on iznositi 20% jer će od vremenskih uslova zavisiti njihov gubitak, a građani će bez obzira na vremenske prilike morati plaćati po većim cijenama. Rekao je da je sastanak, i pored napora koji je pregovarački tim dao, bio osuđen na propast jer JP EP nije htjelo vratiti staru metodologiju obračuna a da to ne znači da Općinsko vijeće treba povećati cijene već iznaći način da se ova grijna sezona privede kraju po starim cijenama.

**Vinka Aletović:** je rekla da su pregovori bili bezuspješni i pored napora koji su svi učesnici ispred Općine Kakanj iskazali, te da je stav JP EP bio da do poskupljenja grijanja dolazi zbog poskupljenja energenata, u prvom redu uglja. Klub vijećnika SDP, obzirom na opće stanje inflacije i poskupljenja, tešku borbu za puko preživljavanje socijalno ugroženih, zdravstvenu ugroženost građana Kakanj radom TE neće podržati ovu odluku.

Vijeće je nakon diskusije i prihvaćenog amandmana vijećnika Tursuma da se JU Dom zdravlja ne povećava cijena, usvojilo Odluku sa 18 glasova ZA, 10 PROTIV i niko UZDRŽAN.

## **2. Prijedlog odluke o utvrđivanju javnog interesa**

Predlagač: općinski načelnik

Obrađivač: Služba za imovinskopravne, geodetske poslove i katastar nekretnina

Izjavitelj: Mukades Delibašić, pomoćnik općinskog načelnika

U diskusiji nije niko učestvovao i Vijeće nije usvojilo Odluku sa 3 glasa za, 1 protiv i 22 uzdržana.

## **3. Prijedlog odluke o dodjeli Petnaestoaprilskih priznanja općine Kakanj**

Predlagač: Komisija za dodjelu Petnaestoaprilskih priznanja općine Kakanj

Obrađivač: Stručna služba za poslove Općinskog vijeća  
Izjavitelj: Ajla Čišija, predsjednica Komisije

U diskusiji nije niko učestvovao i Vijeće je usvojilo Odluku sa 26 glasova za, niko protiv i 1 uzdržan.

#### **4. Prijedlog odluke o visini prosječne konačne građevinske cijene iz prethodne godine po m<sup>2</sup> korisne stambene površine na području općine Kakanj**

Predlagač: općinski načelnik  
Obrađivač: Služba za privredu, urbanizam i zaštitu okoliša  
Izjavitelj: Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Odluku sa 22 glasa za, 1 protiv i 3 uzdržana.

- 5. Prijedlog odluke o osnivanju MZ Željeznička Stanica**
- 6. Prijedlog odluke o raspisivanju i održavanju izbora za članove Savjeta MZ Željeznička Stanica**
- 7. Prijedlog rješenja o imenovanju Komisije za provođenje izbora u MZ Željeznička Stanica**

Predlagač: općinski načelnik  
Obrađivač: Služba za opću upravu, radne i zajedničke poslove, lokalnu samoupravu i mjesne zajednice  
Izjavitelj: Bahrudin Arnaut, pomoćnik općinskog načelnika

Predsjednica Komisije za izbor i imenovanje, Mediha Mamela je predložila sastav Komisije za provođenje izbora koju čine: Alisa Bećirhodžić – predsjednica, Sedin Karahodžić i Avdo Kovač – članovi.

Vijeće je vodilo objedinjenu raspravu o ovim trima tačkama i Vijeće ih je usvojilo sa 24 glasa za, niko protiv i 1 uzdržan.

#### **8. Izvještaj o ostvarivanju politike jedinice lokalne samouprave i aktivnostima općinskog načelnika za 2022. godinu**

Predlagač: općinski načelnik  
Obrađivač: Stručna služba za poslove Općinskog načelnika  
Izjavitelj: Mirnes Bajtarević, općinski načelnik

U diskusiji je učestvovao Dževdet Huskić.

**Dževdet Huskić:** je ukazao na nepreglednu formu izvještavanja službi i ranije, pa isto važi i za ovaj izvještaj. Osvrnuo se na fb stranicu Općine Kakanj – općinski načelnik i konstatovao da je ona samo za dio građana a ne za sve, jer određen broj građana nema priliku vidjeti ni servisne informacije. Po socio-ekonomskim pokazateljima Kakanj je pao za četiri mjesta i u izvještavanju bi se trebalo osvrnuti i na te podatke. Na kraju je izrazio nadu da će se općinska fb stranica otvoriti prema svim građanima i građankama općine Kakanj.

Vijeće nije usvojilo Izvještaj sa 14 glasova za, 1 protiv i 9 uzdržanih.

#### **9. Izvještaj o radu Općinskog pravobranilaštva za 2022.godinu**

Predlagač: Općinsko pravobranilaštvo  
Obrađivač: Općinsko pravobranilaštvo  
Izjavitelj: Vesna Ajanović, općinska pravobraniteljica

U diskusiji nije niko učestvovao i Vijeće je usvojilo Izvještaj sa 18 glasova za, niko protiv i 6 uzdržanih.

## **10. Razmatranje Izvještaja o radu sa Finansijskim izvještajem JU KSC Kakanj za 2022.godinu**

Predlagač: UO JU KSC Kakanj  
Obrađivač: UO JU KSC Kakanj  
Izjestilac: Mirza Mušija, direktor JU

Nakon pauze od 5' Vijeće je imalo priliku pogledati video o prošlogodišnjim aktivnostima JU a dodatne informacije dao je direktor JU.

U diskusiji je učestvovala Marcela Ravlija.

**Marcela Ravlija:** je pohvalila rad Dramskog studija i Škole glume te im čestitala ostvarene uspjehe koje su sa djecom postigli. Apelirala je da se više sadržaja posveti djeci kako bi Kakanj ubuduće imao publiku koja će samoinicijativno posjećivati predstave.

**Općinski načelnik:** je pohvalio rad JU i sve njene uposlenike, čestitao na postignutim rezultatima te rekao da se, zajedničkim naporima općinskih sredstava i službi, Kakanj može pohvaliti bogatim i kvalitetnim sadržajima za razliku od drugih sredina. Izrazio je nadu da će se ovom dinamikom i entuzijazmom nastaviti i ubuduće.

Nakon diskusije Vijeće je usvojilo Izvještaj sa 18 glasova za, niko protiv i 9 uzdržanih.

## **11. Davanje saglasnosti na Program rada sa Finansijskim planom JU KSC Kakanj za 2023.godinu**

Predlagač: UO JU **KSC Kakanj**  
Obrađivač: UO JU **KSC Kakanj**  
Izjestilac: Mirza Mušija, direktor JU, i Nihad Tukić, predsjednik UO JU

U diskusiji nije niko učestvovao i Vijeće je dalo saglasnost na Program sa 20 glasova za, niko protiv i 8 uzdržanih.

Predsjedavajući je ispred Vijeća i u svoje lično ime čestitao dolazeće vjerske praznike Uskrs, Vaskrs i Ramazanski bajram te Svjetski dan Roma.

Predsjedavajući je zaključio rad 27. redovne sjednice Općinskog vijeća u 10:30'.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR  
OPĆINSKOG VIJEĆA**  
Ferdo Mijač

**PREDSEDVAJUĆI  
OPĆINSKOG VIJEĆA**  
Slaven Katičić